

ACTIVIDADES



MINICAMPAMENTOS

Descrición:

Cos Minicampamentos abrimos as portas do tempo libre no medio natural para todos os picariños e picariñas que teñan aproximadamente entre 3 e 6 anos de idade. En concreto para os/as nenos/as nados/as entre o **2013 e o 2014 os Mini3**, e os **Mini5 para os nados entre o 2012 e o 2011**.

Son campamentos en versión “mini”, onde o que de verdade é grande é a diversión, as aventuras e as experiencias que axuden ao seu desenvolvemento san e á súa autonomía. Este ano as actividades estarán relacionadas coas plantas da nosa contorna e achegarémonos ao seu mundo e á súa presenza nos nosos bosques e ríos, fomentando unha actitude positiva cara o noso medio natural. Ademais de educar na convivencia e no respecto aos demais, o xogo e o contacto coa natureza serán imprescindibles.

Estas actividades educativas pretenden proporcionarlles aos nenos e ás nenas diversión, aventuras e experiencias que favorezan a súa autonomía e a adquisición de hábitos saudables. Pequenos campamentos que educan na convivencia e na socialización, en que o xogo e o contacto coa natureza son os protagonistas.

Dous formatos distintos:

Mini 3: Son tres días de actividade sen facer noite con horario de 10:00 h a 17:00 h.

Mini 5: Neste caso o horario do campamento é de 10:00 h a 19:00 h, ata o 4º día no que teñen a posibilidade de quedarse a durmir nas tendas. O último día serán recollidos polas familias ás 13:00 h.

Destinatarios/as:

Nesta experiencia poderán participar os pequenos e pequenas que teñan entre 3 e 6 anos de idade, aínda que **recomendamos os Mini 3 para aqueles nenos e nenas de 3 a 4 anos** nados entre **xullo de 2013 e agosto de 2014**, e os **Mini 5 para os “maiores”, de 5 e 6 anos** nados entre **xullo de 2011 e agosto de 2012**.

Obxectivos:

- Aprender xogando.
- Fomentar a convivencia e o respecto mutuo, a través de actividades colectivas.
- Achegarse ao coñecemento do seu contorno máis próximo.
- Promover actitudes de conservación e respecto do medio ambiente.
- Educar en hábitos de alimentación saudable.

Temporalización:

As actividades terán lugar en no CEIP “Isidro Parga Pondal”, Sta. Cruz de Liáns.

- **Mini3 Os chuchameles:** 28 e 30 de xuño (25 prazas).

- **Mini3 Os alecríns:** 9 ao 11 de agosto (25 prazas).

- **Mini5 As herbas de namorar:** 17 ao 21 de xullo (25 prazas).

- **Mini5 Os bilitroques:** 21 ao 25 de agosto (25 prazas).

CAMPAMENTOS

Descrición:

A evolución lóxica dos *Minicampamentos* que corresponde ao nivel de maduración dos/as cativos/as, son os campamentos e excursións curtas para nenos e nenas que teñan nacido entre o 2007 e o 2010. Avanzamos na adquisición de hábitos saudables e na diversión colectiva. Os grandes xogos, a convivencia e as actividades relacionadas coa avifauna en Galicia, favorecendo o seu coñecemento e conservación en permanente contacto coa natureza, serán o cerne dos “campas”.

Horario:

1º e 2º día: de 10:00 h a 19:00 h.

3º e 4º día: completos, facendo noite nas tendas.

5º día: recollidos polas familias ás 13:00 h.

Destinatarios/as:

Nesta experiencia poderán participar os nenos e nenas nados entre o ano **2007 e o 2010**.

Obxectivos:

- Ofrecer alternativas divertidas e saudables ao tempo libre dos nenos e das nenas.
- Educar para a convivencia, a cooperación e o respecto cos/as compañeiros/as.
- Investigar sobre os valores naturais e histórico-artísticos do medio inmediato.
- Promover actitudes de conservación e respecto ao medio ambiente.
- Educar na consecución de hábitos alimenticios saudables.

Temporalización:

As actividades terán lugar no CEIP “Isidro Parga Pondal”, Sta. Cruz de Liáns.

Campamento “Punta do Corvo”: do 3 ao 7 de xullo (30 prazas)

Campamento “Illa do Castelo”: 31 de xullo ao 4 de agosto (30 prazas)



EXCURSIÓNS DE VERÁN

Descrición:

Despois de que os nenos e as nenas gozaran de actividades preto da súa contorna (*Minicampamentos* e campamentos), propoñemos a posibilidade de participar en dúas excursións a fermosos espazos naturais, para que coñezan lugares espectaculares e de grande interese ambiental onde vivir aventuras inesquecibles.

Así pois, aos nenos e ás nenas que naceron entre o ano 2007 e o 2010, propoñémoslles un destino clásico nas nosas programacións, as **Fragas do Eume**, un dos bosques atlánticos mellor conservados de toda Europa moi preto da nosa casa, e nun dos equipamentos máis interesantes de Galicia, o **albergue Alvarella**.

Para os mozos e mozas que naceron entre o ano 2003 e 2006, propoñemos a excursión **Mar de Lira- Carnota**, onde terán a oportunidade de achegarse á costa de Muros, Carnota, Lira...como lugar máxico e de lendas..., e vilas mariñeiras onde o contacto coas súas xentes e paisaxes, sempre é lembrado cun sorriso. Unha forma diferente de gozar dun anaco de costa das máis fermosas do mundo...

Destinatarios/as:

Para **Mar de Lira** poden inscribirse rapaces e rapazas que nacesen entre o ano **2003 e o ano 2006**. Para os que nacesen entre o ano **2007 e o ano 2010**, propoñemos unha excursión moi preto de nós: ás Fragas do Eume.

Obxectivos:

- Descubrir as características máis definidoras a nivel natural, xeográfico e cultural das comarcas visitadas.
- Promover a convivencia e a socialización do grupo.
- Ofrecer novos xeitos de aprender en contacto directo co medio.
- Promover actitudes de conservación e respecto ao medio ambiente.
- Educar na consecución de hábitos alimenticios saudables.



Temporalización:

- **Se naciches entre o ano 2003 e o 2006 (de 11 a 14 anos):**
Excursión Mar de Lira – Carnota: 10 ao 14 de xullo (27 prazas).
- **Se naciches entre o ano 2007 e o 2010 (de 7 a 10 anos):**
Excursión Fragas do Eume: 16 ao 18 de agosto (40 prazas).

HORTAS NO VERÁN

Descrición:

Despois de case dúas décadas desenvolvendo o programa de Hortas Escolares, estamos convencidos todos os axentes educadores que participamos nel, que a horta constitúe un gran xacemento de recursos educativos. O seu potencial vén dado pola riqueza de temáticas que se poden tratar na súa realización, con multitude de experiencias e vivencias, contidos pedagóxicos (conceitos, procedementos, actitudes, valores) e a forza de conexión co medio natural e social do medio máis próximo.

Non se trata dunha parcela na que cultivamos tomates ou leitugas, senón que debemos entendelo como un espazo no que imos tratar unha serie de contidos encamiñados a desenvolver as capacidades dos nenos e das nenas.

Por outra banda, o gran número de recursos didácticos que suxire o traballo ao aire libre, ver como medran as plantas grazas ao noso traballo... son razóns suficientes para realizar esta actividade que constitúe un recurso educativo moi interesante. Ademais este ano faremos unha vista ao mercado de Perillo para aprender algo máis da horta e a alimentación saudable.

Destinatarios/as:

Nenos e nenas nados entre **xullo de 2014 e agosto 2011**.

Obxectivos:

- Desenvolver capacidades de exploración e investigación na horta.
- Familiarizarse co mundo das verduras, hortalizas, legumes...estimulando un achegamento afectivo e positivo.
- Estimular a iniciativa e a autonomía dos/as picariños/as nas tarefas da hortiña.
- Coñecer o proceso de sementeira, plantación e coidados posteriores, básicos na horta.
- Estimular a afectividade cara o consumo dos produtos comestibles que nos proporciona a horta.

Horario:

Primeira quenda:

- CEIP "R.Mª del Valle- Inclán": 10,30 h – 11,30 h (20 prazas)
- Escola infantil "As Galeras": 12,00 h – 13,00 h (20 prazas)

Segunda quenda:

- Escola infantil "As Galeras": 10,30 h – 11,30 h (20 prazas)
- CEIP "R.Mª del Valle- Inclán": 12,00 h – 13,00 h (20 prazas)



Temporalización:

- **Primeira quenda:** do 3 ao 14 de xullo, de luns a venres.
- **Segunda quenda:** do 31 de xullo ao 11 de agosto, de luns a venres.

FESTAS «ALGO GUAPO»

Descrición:

Esta actividade supón unha oportunidade para todos os rapaces e rapazas que participaron nos campamentos, excursións e hortas de verán de reencontrarse nun contexto festivo, de lembrar as súas aventuras estivais.

Durante dúas tardes de sábados teremos unha proxección audiovisual coas mellores imaxes do verán, unha actuación artística e unha pequena merenda de convivencia.

Destinatarios/as:

Nesta actividade poderán participar todos os rapaces e rapazas que participaron na programación de verán do Servizo Municipal de Educación.

Obxectivos:

- Reforzar os lazos afectivos entre as persoas participantes.
- Promover a convivencia e o respecto entre a veciñanza.
- Fomentar actitudes sas no uso do tempo libre.
- Entreter e divertir as persoas participantes durante unha tarde de setembro.



Temporalización:

Cada festa Algo Guapo celebrarase no **Centro Municipal de Formación Isaac Díaz Pardo** na urbanización Os Regos e comprende unha tarde de sábado da seguinte forma:

- Para os rapaces e as rapazas de **Campamentos e Excursións**, o **2 de setembro** de 17:00 h a 19:00 h.
- Para os rapaces e as rapazas de **Mini 3 e Mini 5** e as **Hortas de verán**, o **9 de setembro** de 17:00 h a 19:00 h.


Nota: Non hai limitacións de prazas, nin custo.

REUNIÓN INFORMATIVAS

REUNIÓN INFORMATIVAS DAS ACTIVIDADES DE VERÁN 2017 DO SERVIZO MUNICIPAL DE EDUCACIÓN PARA AS FAMILIAS.

Coa intención de facilitar ás familias calquera información relativa ás actividades anteriormente descritas sobre: desenvolvemento, programación, material, horarios, educadores/as, seguros, transporte, alimentación, actividades... están programadas as seguintes reunións **no Auditorio do Centro Cultural A Fábrica en Sta. Cristina.**

- **Campamentos** (7-10 anos): mércores 14 de xuño ás 20:00 h.
- **Excursión ás Fragas do Eume:** mércores 14 de xuño ás 20:45 h.
- **Mini 3 e Mini 5:** xoves 15 de xuño ás 20:15 h.
- **Excursión Mar de Lira:** xoves 15 de xuño ás 21:15



KAIK EN SANTA CRUZ

Descrición:

Orientada fundamentalmente ao aspecto recreativo, a través das actividades no kaiak de mar. Esta actividade realizarase nas instalacións náuticas da praia de Santa Cruz, situadas debaixo da pasarela de acceso ao castelo. A súa distribución será en cursos intensivos de 5 sesións cada un (10 horas). En cada curso ofertaranse 16 prazas.

É obrigatorio saber nadar.

Destinatarios/as

Para mozos/as nacidos/as entre **2003 e 2007**.

Obxectivos:

- Aproveitar e gozar do tempo de lecer en contacto co medio natural.
- Aprender a realizar as manobras de control e seguridade na embarcación.
- Aproveitar os valores a transmitir polo deporte, desenvolvemento das capacidades físicas e motrices, disposición ao esforzo persoal e ás capacidades sociais, o traballo en equipo, a solidariedade e a tolerancia.
- Coñecer as normas fundamentais de seguridade sobre o kaiak e prevención de riscos.
- Coñecer a praia de Santa Cruz e a súa contorna costeira, procurar a súa conservación e respecto



Temporalización:

Meses de xullo e agosto. De luns a venres, en horario de 11:30 a 13:30 horas. Realizaranse un total de 8 quendas durante o verán nas instalacións náuticas da praia de Santa Cruz.

- **1º quenda:** do 26 ao 30 de xuño
- **2ª quenda:** do 3 ao 7 de xullo
- **3º quenda:** do 10 ao 14 de xullo
- **4º quenda:** do 17 ao 21 de xullo
- **5º quenda:** do 31 de xullo ao 4 de agosto
- **6º quenda:** do 7 ao 11 de agosto
- **7º quenda:** do 21 ao 25 de agosto
- **8º quenda:** do 28 de agosto ao 1 de setembro

SURF EN BASTIAGUEIRO

Descrición:

Na instalación náutica de Bastiagueiro.

Cursos de iniciación ao surf de 10 horas cada un, de luns a venres de 12:00 a 14:00 h.

O Concello achegará todo o material necesario (táboas e traxes). (**Obrigatorio saber nadar**).

Destinatarios/as

Para mozos/as nacidos/as entre **2000 e 2003**.

Obxectivos:

- Destacar na práctica diaria o factor lúdico. A diversión debe ser prioritaria para crear afección e gusto pola actividade deportiva.
- Experimentar un xeito de mellorar as capacidades condicionais de forza, resistencia, coordinación, equilibrio e flexibilidade.
- Dar as ferramentas elementais para que ao remate do curso o alumnado adquiera as nocións básicas do surf, así como o seu material e manexo.
- Coñecer a praia de Bastiagueiro (formación de olas, correntes...) normas de seguridade, riscos e precaucións.
- Educar na consecución de hábitos de conservación e respecto do medio ambiente.



Temporalización:

- **1ª quenda:** do 3 ao 7 de xullo
- **2ª quenda:** do 10 ao 14 de xullo
- **3ª quenda:** do 21 ao 25 de agosto
- **4ª quenda:** do 28 de agosto ao 1 de setembro



CAMPUS MULTIDEPORTE

Descrición:

As actividades incluídas nos Campus multideporte pretenden aproveitar a recreación deportiva como ferramenta na ocupación do tempo de lecer, así como descubrir e dar a coñecer actividades e instalacións con posibilidades de práctica dentro do noso concello e contorna. O punto de encontro será o pavillón polideportivo municipal de Bastiagueiro na rúa Uxío Novoneyra s/n, Bastiagueiro- Liáns (GPS: N 43° 20' 23" W 8° 21' 02"); desde alí, e segundo o programa diario, desprazarase ás persoas participantes en autobús ata o lugar da actividade. Cada campamento durará unha semana e ofertará ata 30 prazas cada un. **O horario habitual será de luns a venres, de 10:00 a 14:00 horas.**

É obrigatorio saber nadar.

Pregamos puntualidade á hora de deixar e recoller os/as participantes, tanto nas paradas do bus como no propio pavillón.

Transporte

Realizarase un percorrido de autobús polo termo municipal de Oleiros para recoller os/as alumnos/as e deixalos posteriormente nas paradas (agás algunha xornada puntual que matizaremos no programa). É obrigatorio especificar na inscrición, da maneira máis precisa posible, o lugar da parada que se solicita, tanto de ida como de volta. O transporte conta con servizo de acompañante.

A listaxe cos horarios e paradas de autobús serán enviadas ao correo electrónico facilitado na inscrición e tamén poderán ser consultadas no Servizo Municipal de Deportes o xoves anterior ao comezo de cada campamento.

Recomendacións:

Como norma xeral para as actividades multideportivas é necesario vestir roupa deportiva e cómoda, tamén é recomendable traer crema solar e viseira.

A media mañá faremos un pequeno descanso para repoñer forzas polo que é aconsellable traer algo para comer (por exemplo unha peza de froita e auga).

Convén levar posto:

- Unha mochila pequena para gardar unha botella de auga e outras cousas.
- Calzado pechado e cómodo para camiñar e facer as actividades multideportivas.
- Roupa cómoda e axeitada ao tempo atmosférico.
- Gorriña ou pucho para o sol.
- Botella de auga e peza de froita.
- Crema protectora para as/os nenas/os.
- Traxe de baño, gorro, chancletas e toalla para a sesión de Xogos Acuáticos.
- Traxe de baño, camiseta de cambio ou lycra, chancletas e toalla nas sesións de Surf e Kaiak.



CAMPUS MULTIDEPORTE

A estrutura dos cinco días estará deseñada de forma que se realicen unha ampla variedade de actividades multideportivas que a continuación nomeamos a xeito orientativo (poderá sufrir cambios en función da meteoroloxía):

Campus multideporte para nados/as entre 2010 e 2011, de 10 a 14 h.

Luns: Xogos deportivos

Martes: Xogos populares e xogos acuáticos

Mércores: Loita e xincana deportiva na praia (en función da meteoroloxía)

Xoves: Escalada e patinaxe

Venres: Olimpíadas alternativas na praia (en función da meteoroloxía)

• 1ª quenda: do 3 ao 7 de xullo

• 2ª quenda: do 28 de agosto ao 1 de setembro

Campus multideporte para nados/as entre 2008 e 2009, de 10 a 14 h.

Luns: Xogos deportivos

Martes: Orientación e xogos acuáticos

Mércores: Xogos de loita e xincana deportiva na praia (en función da meteoroloxía)

Xoves: Patinaxe e camas elásticas

Venres: Olimpíadas alternativas na praia (en función da meteoroloxía)

• 1ª quenda: do 26 ao 30 de xuño

• 2ª quenda: do 10 ao 14 de xullo

• 3ª quenda: do 21 ao 25 de agosto

Campus multideporte para nados/as entre 2006 e 2007, de 10 a 14 h.

Luns: xogos deportivos

Martes: Orientación-sendeirismo en Dexo

Mércores: Surf e rugby na praia (en función da meteoroloxía)

Xoves: Escalada e patinaxe

Venres: Equitación. Retorno aproximado ás 17:00 no pavillón de Bastiagueiro.

• 1ª quenda: do 17 ao 21 de xullo

• 2ª quenda: do 7 ao 11 de agosto

Campus multideporte para nados/as entre 2003 e 2005, de 10 a 14 h.

Luns: xogos deportivos

Martes: Parkour e actividades circenses

Mércores: Surf e rugby na praia (en función da meteoroloxía)

Xoves: Escalada e patinaxe

Venres: Sendeirismo e kaiak no Eume (en función da meteoroloxía). Retorno aproximado ás 18:00 no pavillón de Bastiagueiro

• 1ª quenda: do 31 de xullo ao 4 de agosto

ESCOLA DE ARTES PLÁSTICAS

Descrición:

O papel, as pinturas e o barro, entre outros materiais, convértense en elementos que axudan a espertar a sensibilidade artística nas crianzas ao mesmo tempo que pasan un anaco de tempo agradable con outros nenos e nenas da súa idade. Unha oportunidade de aproveitamento de forma lúdica e creativa do tempo de lecer.

Destinatarios/as:

Actividade dirixida a rapaces e rapazas nados entre os anos **2005 e 2013**. Serán 15 participantes por cada quenda.

Obxectivos:

Achegar aos nenos e nenas a diversos materiais para que se expresen a través deles e ao mesmo tempo aprendan algunhas técnicas básicas para o seu manexo son algúns dos obxectivos deste obradoiro de verán. Xogar cos volumes, as proporcións, a textura e as cores dos distintos materiais utilizados e agudizar as percepcións son outros dos obxectivos perseguidos.

Lugar de realización:

Diferentes instalacións municipais: **Casa da Cultura de Perillo, Casa do Pobo de Nós e Centro Cívico de Santa Cruz.**



Temporalización:

Meses de xullo e agosto. Son seis quendas de dez sesións cada unha, cunha duración por sesión de 2 horas: de **10.00 a 12.00** horas ou das **12.00 ás 14.00** horas.

Mes de Xullo:

Do 3 ao 14:

quenda I: de 10.00 a 12.00 h. *Casa da Cultura de Perillo*. 10 sesións

quenda II: de 12.00 a 14.00 h. *Casa da Cultura de Perillo*. 10 sesións

Do 17 ao 31:

quenda III: de 10.00 a 12.00 h. *Casa do Pobo de Nos*. 10 sesións

quenda IV: de 12.00 a 14.00 h. *Casa do Pobo de Nos*. 10 sesións

Mes de Agosto:

Do 1 ao 14:

quenda V: de 10.00 a 12.00 h. *Centro Cívico de Santa Cruz*. 10 sesións

quenda VI: de 12.00 a 14.00 h. *Centro Cívico de Santa Cruz*. 10 sesións

VIAXE AOS MARES DO SUR

Descrición:

Traballaremos con barro, cartón pedra, papel maché, pintura, materiais de reciclaxe...para crear barcos piratas, faros e insólitos fondos mariños.

Destinatarios/as:

Rapaces e rapazas nados entre os anos **2005 e 2010**. **15 prazas**.

Obxectivos:

Coñecer e manexar algún dos materiais e técnicas das artes plásticas para dar forma a orixinais e divertidas creacións co mar como temática de fondo e inspiración.

Lugar de realización:

Casa da Cultura de Perillo.

Temporalización:

Mes de agosto:

21, 22, 23, 24, 25, 28, 29, 30 e 31.

Das **11.00 ás 13.00 h**



OBRADOIRO DE TEATRO INFANTIL

Descrición:

Obradoiro infantil de iniciación ao xogo teatral en que os nenos e as nenas tomarán contacto co xogo físico teatral, cos xogos de relación e a creación de personaxes, o coñecemento do espazo escénico e os diferentes estilos teatrais de actuación.

Destinatarios/as:

Rapaces e rapazas nados entre os anos **2005 e 2010**. **15 prazas por cada quenda.**

Obxectivos:

Mediante a realización de xogos e actividades, os rapaces e as rapazas desenvolven a expresión corporal e verbal, estimulan a creatividade e a imaxinación e aprenden a colaborar co grupo.

Lugar de realización:

Teatro As Torres, en Santa Cruz.



Temporalización:

1ª quenda-xullo:

Martes e xoves: 4, 6, 11, 13, 18, 20 e 27.

Das 10.30 ás 12:00 h

2ª quenda-agosto:

Martes e xoves: 1, 3, 8, 10, 17, 22, 24, 29 e 31.

Das 10.30 ás 12:00 h

OBRADOIRO DE TEATRO XUVENIL

Descrición:

Obradoiro dirixido a rapaces e rapazas que se inician no teatro ou que xa teñen certa experiencia e no que se inclúe xogo físico teatral, xogos de relación e a creación de personaxes, coñecemento do espazo escénico e diferentes estilos teatrais de actuación.

Destinatarios/as:

Rapaces e rapazas nados entre os anos **1999 e 2004. 15 prazas por cada quenda.**

Obxectivos:

Utilizando distintas técnicas teatrais, buscarase que o alumnado descubra o maior número posible de ferramentas que comprende o traballo teatral. Para acadar este obxectivo, traballarase a expresión corporal e oral, a colocación no escenario, a manifestación de sentimentos, a improvisación e moitas outras técnicas. Tamén se procurará que o alumnado se acostume a traballar en equipo, aceptando as ideas alleas e aprendendo a expoñer e defender as propias para poder chegar a un consenso e así crear distintas escenas de forma colectiva. O obxectivo final é que o alumnado estimule a creatividade, mellore a autoestima e a confianza e adquira certas habilidades necesarias para poder representar unha pequena improvisación.

Lugar de realización:

Casa da Cultura de Perillo.



Temporalización:

1ª quenda-xullo:

Martes e xoves: 4, 6, 11, 13, 18, 20 e 27.

Das 12.00 ás 13:30 h

2ª quenda-agosto:

Martes e xoves: 1, 3, 8, 10, 17, 22, 24, 29 e 31.

Das 12.00 ás 13:30 h

OBRADOIRO DE OLERÍA INFANTIL

Descrición:

Obradoiro infantil de iniciación nas técnicas básicas da Olería.

Destinatarios/as:

Actividade dirixida a rapaces e rapazas nacidos/as entre o 2005 e 2010. 15 prazas en cada quenda.

Obxectivos:

O obxectivo principal é o achegamento lúdico á obra cerámica, especialmente á olería. Aprender a xogar coas cores e volumes e a utilizar dun xeito divertido diferentes instrumentos de transformación do material.

Ao tratarse dun obradoiro de iniciación, aos nenos e nenas participantes poderán coñecer o seguimento de todo o proceso de creación dunha peza: construción, modelado, decoración, secado, biscoito, vidrado, cocción. Nunha cocción final poderán comprobar os resultados dos traballos realizados durante as clases.

Lugar de realización:

Alfar do Centro Cultural As Torres, en Santa Cruz.



Temporalización:

1ª quenda-xullo:

Martes e xoves: 4, 6, 11, 13, 18, 20 e 27.

Das 12.00 ás 13:30 h

2ª quenda-agosto:

Martes e xoves: 1, 3, 8, 10, 17, 22, 24, 29 e 31.

Das 12.00 ás 13:30 h

OBRADOIRO DE OLERÍA XUVENIL

Descrición:

Obradoiro xuvenil de iniciación nas técnicas básicas da Olería.

Destinatarios/as:

Rapaces e rapazas nados entre os anos **1999 e 2004. 15 prazas por cada quenda.**

Obxectivos:

O obxectivo principal é o achegamento lúdico á obra cerámica, especialmente á olería. Ao tratarse dun obradoiro de iniciación, os participantes poderán coñecer o seguimento de todo o proceso de creación dunha peza: construción, modelado, decoración, secado, biscoito, vidrado, cocción. Nunha cocción final poderán comprobar os resultados dos traballos realizados durante as clases.

Trátase de acadar unha visión xeral das posibilidades que ofrece a cerámica nas súas diferentes técnicas e de incentivar a creatividade e o gusto polas manifestacións artísticas, fomentando o respecto polos oficios tradicionais. Poderán aprender os conceptos elementais de coñecemento de materias primas, procesos, vocabulario, estilos, etc.

Lugar de realización:

Alfar do Centro Cultural As Torres, en Santa Cruz.



Temporalización:

1ª quenda-xullo:

Martes e xoves: 4, 6, 11, 13, 18, 20 e 27.

Das 10.30 ás 12:00 h

2ª quenda-agosto:

Martes e xoves: 1, 3, 8, 10, 17, 22, 24, 29 e 31.

Das 10.30 ás 12:00 h

OBRADOIRO DE ILUSTRACIÓN E CREACIÓN DE CONTOS

Descrición:

A través deste obradoiro crearemos un espazo de estimulación da creatividade a través da imaxe, un espazo de inspiración e creación colectiva sobre o tema do debuxo, da creatividade e da ilustración . Nel aprenderemos a abordar unha ilustración a través da técnica, a forma, a estética e o concepto. A curiosidade polo descubrimento e o pracer da creación conformarán o día a día do noso obradoiro “ilustrado”.

Destinatarios/as:

Rapaces e rapazas nados entre os anos **2008 e 2010. 15 prazos.**

Obxectivos:

A través deste Obradoiro os nenos e nenas analizarán os distintos momentos e elementos dun conto e producirán diferentes tipos de contos, de tal modo que se desenvolva o gusto pola lectura e estimule o hábito lector, a imaxinación e a creatividade. Así mesmo trátase de desenvolver a capacidade de comunicación e escoita, así coma o espírito crítico dos valores presentes nos contos, e favorecer a un tempo a socialización e o traballo en grupo.

Lugar de realización:

Biblioteca Rosalía de Castro, en Santa Cruz.



Temporalización:

Mes de xullo.

Luns e mércores: 3, 5, 10, 12, 17, 19, 24, 26 e 31

Das **10.30 ás 12:00 h**

ARTESANÍA E NATUREZA: CREACIÓNS DE TERRA E MAR

Descrición:

Crearemos orixinais elaboracións con madeira aproveitada de ramas caídas, cunchas, paus ou follas: colgantes, chaveiros, cestos, móbiles para portas, etc. luciremos e crearemos elementos únicos, ecolóxicos e feitos coas nosas propias mans.

Destinatarios/as:

Rapaces e rapazas nados entre os anos **2008 e 2010**. **15 prazos.**

Obxectivos:

Fomentar o contacto coa contorna natural, transmitindo a importancia da mesma, e aproveitando os recursos que nos brinda de maneira respectuosa.

Estimular a capacidade imaxinativa e creativa.

Adquirir habilidades de destreza, precisión e mobilidade nas mans, mediante o traballo da psicomotricidade fina.

Traballar a paciencia e a capacidade de concentración e fomentar un ambiente positivo de traballo no que propoñer e compartir ideas e materiais.

Aprender novas técnicas de traballo artesanal e elaborar os nosos propios complementos e elementos decorativos.

Lugar de realización:

As Torres de Santa Cruz.



Temporalización:

Mes de xullo.

Luns e mércores: 3, 5, 10, 12, 17, 19, 24, 26 e 31

Das 12:00 ás 13:30 h

OBRADOIRO DE ILUSTRACIÓN E BANDA DESEÑADA

Descrición:

A ilustración e a banda deseñada constitúen dous elementos fundamentais na formación artística e expresiva dos máis pequenos, aínda máis cando o sistema educativo amosa lagoas importantes neste eido.

O enfoque desta experiencia radica no/a neno/a: deseñamos personaxes para reflexionar sobre o aspecto e a psicoloxía das persoas, mergullámonos no debuxo de personaxes históricos para coñecer mellor o noso pasado, realizamos murais grupais para practicar o traballo cooperativo, ou aprendemos nocións sobre cómic para abrir o noso espectro de lectores en adiante.

Destinatarios/as:

Rapaces e rapazas nados entre os anos **2005 e 2007. 15 prazos.**

Obxectivos:

Esta proposta de obradoiros persegue, seguindo a estela do pedagogo Gianni Rodari, a expresión dos nenos e nenas, por riba das aspiracións estéticas e artísticas, que veñen moitas veces dadas nun plano posterior.

Os obradoiros son dinámicos, diferentes cada día, e mesmo procurando nalgún momento variar de espazos (debuxo no exterior, caderno de campo...) para estimular a creatividade, e promover a observación da realidade (que non sempre está entre catro paredes).

Un dos obxectivos primordiais é o de dar respostas persoais a casuísticas persoais: en ocasións nenos e nenas con dificultades atopan na creación plástica a vía para canalizar a súa enerxía e a súa expresión. As propias dinámicas dos cursos tratan de incidir para crear una atmosfera envolvente, que axude a uns e outros a fortalecer as súas capacidades e autoestimas.

Lugar de realización:

Biblioteca Rosalía de Castro, en Santa Cruz.



Temporalización:

Mes de agosto:

Luns e mércores: 2, 7, 9, 14, 16, 21, 23, 28 e 30..

Das 10.30 ás 12:00 h

PRECIRCO!

Descrición:

Curso de expresión física e perfeccionamento psicomotriz, no que investigaremos o corpo dende o movemento, o ritmo e a coordinación, a partir de exercicios específicos para a execución da acrobacia e outras técnicas circenses (malabares, clown...).

Destinatarios/as:

Rapaces e rapazas nados entre os anos **2005 e 2007**. **15 prazos**.

Obxectivos:

Trátase de acceder á conciencia corporal e ao uso do noso corpo para danzar, correr, saltar, xirar, rodar, expresar....tratándoo con mimo e permitindo que se converta nunha ferramenta que de ás a nosa creatividade.

Trátase de atender á individualidade dos nenos e nenas (cada persoa é única e especial) ao tempo que todos xuntos nutrímonos da experiencia colectiva.

Lugar de realización:

Teatro As Torres, en Santa Cruz.



Temporalización:

Mes de agosto:

Luns e mércores: 2, 7, 9, 14, 16, 21, 23, 28 e 30..

Das 12.00 ás 13.30 h.

OBRADOIRO DE RADIO

Descrición:

Iniciación ao mundo da radio, onde os mozos e mozas participantes traballaran sobre aspectos xerais da locución e das técnicas de expresión, amosarán a súa pericia perante o micro, a mesa de mesturas e demais equipos técnicos, así como tamén aprenderán a levar a cabo distintos programas radiofónicos (entrevistas, debates, “magazine”...).

Destinatarios/as:

Mozos e mozas nados entre **2000 e 2005**. **15 prazas**.

Obxectivos:

Iniciar aos participantes no mundo da radio. Daranse trucos para a locución, pasando polas nocións de son, software de gravación e edición de audio ou trucos para atraer aos oíntes.

Lugar de realización:

Aula Escola Municipal de Música-Centro Cultural A Fábrica.



Temporalización:

Martes e Xoves de xullo (4, 6, 11, 13, 18, 20 e 27 de xullo)
De 10 a 12:30h.

OBRADOIRO DE CURTAMETRAXES

Descrición:

Iniciación ao mundo da curtametraxe, tratando unha base teórica do guión á vez que se dan a coñecer os conceptos básicos da linguaxe audiovisual: plano, encadramento, posta en escena, son... Rematando coa gravación dunha curtametraxe.

Destinatarios/as:

Mozos e mozas nados entre **2000 e 2005. 20 prazos.**

Obxectivos:

Iniciar aos participantes no mundo das curtametraxes e da creación de historias audiovisuais.

Lugar de realización:

Auditorio Centro Cultural A Fábrica.



Temporalización:

De luns a venres: do 17 ao 31 de xullo.
De 11 a 12:30h

OBRADOIRO DE ROBÓTICA E PROGRAMACIÓN

Descrición:

Unha introdución ao mundo da robótica a través da iniciación á programación, pasando de ser de meros consumidores a creadores. Os participantes poderán chegar a crear un arpa láser.

Destinatarios/as:

mozos e mozas nados entre **2000 e 2005. 12 prazas por quenda.**

Obxectivos:

Aprender a usar a plataforma electrónica aberta ARDUINO, coa que poder programar , creando circuitos e construíndo pezas ata chegar a construír un arpa láser.

Lugar de realización:

Aula de informática do Centro Municipal de Formación.



Temporalización:

- **1ª Quenda:** de luns a venres do 3 ao 7 de xullo de 11 a 13h.
- **2ª Qenda:** de luns a venres do 10 ao 14 de xullo de 11 a 13h

CALENDARIO DE INSCRICIÓN 2017

- **Do 28 de abril ao 5 de maio:** preinscrición
- **Do 9 ao 11 de maio:** publicación de listas e reclamacións
- **O 12 de maio:** sorteo público
- **16 maio:** publicación de listas definitivas
- **Do 18 ao 25 maio:** pagamento e entrega de documentación
- **O 29 de maio:** publicación de vacantes
- **A partir do 30 de maio:** inscrición libre para prazas vacantes, presencialmente e por orde de chegada no Centro Cultural A Fábrica.

para persoas
empadroadas
no Concello de
Oleiros

A **preinscrición** poderá realizarse:

- 1) Na web municipal www.oleiros.org, na carpeta cidadá (non é necesario estar rexistrado/a).
 - 2) Na conserxería do centro cultural A Fábrica (Perillo) de luns a venres de 8.00 a 15.00 horas.
-
- Admitirase unha única solicitude por persoa e nela poderán marcarse ata un máximo de 4 actividades, indicando a orde de preferencia. Na carpeta cidadá a orde de preferencia virá determinada pola orde de inscrición.
 - No caso de querer facer calquera modificación respecto á solicitude inicial será requisito imprescindible dirixirse persoalmente á conserxería do centro cultural A Fábrica, unicamente durante o período de preinscrición e no horario indicado.
 - Se alguén presentara máis dunha solicitude co mesmo nome a través da carpeta cidadá daríase como válida a última presentada.
 - No caso de haber máis solicitantes que prazas resolverase por sorteo público o xoves 12 de maio ás 13.00 h, no auditorio do centro cultural A Fábrica.
 - No caso de que unha persoa resulte admitida nunha actividade e teña irmáns ou irmás solicitantes de praza na mesma actividade, e coa mesma orde de prioridade, estes últimos incorporaranse á lista de admitidos/as.
 - Unha vez admitidos/as informarase na web municipal e na conserxería do centro cultural A Fábrica (Perillo) das instrucións de pagamento e formalización de praza.
 - No caso de estar admitido/a nunha actividade poderase solicitar o envío por correo electrónico da documentación para formalizar a inscrición e efectuar o pagamento, así como as instrucións para efectuar o pago a través da pasarela electrónica.
 - Quenes pretendan acollerse a algunha bonificación (Servizos Sociais, familia numerosa...) deberán acreditalo previamente á solicitude do pagamento na conserxería da Fábrica.
 - Para formalizar a inscrición será imprescindible achegar persoalmente ou por correo electrónico o xustificante do pagamento de todas as actividades dentro dos correspondentes prazos de pagamento e entrega de documentación. En caso contrario perderase o dereito da reserva.
 - Unha vez rematado o período de preinscrición, e ata o 5 de xuño, poderase proceder á anulación daquelas actividades nas que non se acadara un número suficiente de participantes.

TÁBOA DE PREZOS DAS DISTINTAS ACTIVIDADES

Prezo

Escola de Artes Plásticas	23,00 €
Viaxe aos mares do sur: obradoiro de artes plásticas.	23,00 €
Obradoiro de teatro Infantil	23,00 €
Obradoiro de teatro Xuvenil	23,00 €
Obradoiro de Olería Infantil	23,00 €
Obradoiro de Olería Xuvenil	23,00 €
Obradoiro de ilustración e creación de contos.	23,00 €
Obradoiro de ilustración e banda deseñada.	23,00 €
Artesanía e natureza: creacións de terra e mar.	23,00 €
Precirco!	23,00 €

Kaiak en Santa Cruz	19,00 €
Surf en Bastiagueiro	40,00 €
Campus Multideporte	45,00 €

Mini 3	43,00 €
Mini 5	75,00 €
Campamentos	83,00 €
Excursión Fragas do Eume	99,00 €
Excursión Mar de Lira	161,00 €
Hortas de Verán	9,00 €

Obradoiro de Radio	48,00 €
Obradoiro de Curtametraxes	21,00 €
Obradoiro de Robótica e programación	33,00 €

**Prezos orientativos*

CADRO RESUMO POR ANOS DE NACIMENTO

	2014	2013	2012	2011	2010	2009	2008	2007	2006	2005	2004	2003	2002	2001	2000	1999		
Actividades				Campus Multideporte														
								Kaiak en Santa Cruz										
	Mini3		Mini5	Campanentos								Surf en Bastiagueiro						
				Excursión Frags do Eume	Excursión Mar de Lira													
					Algo guapo													
										Obradoiro de Radio								
										Obradoiro de Robótica e Programación								
										Obradoiro de Curtametraxes								
				Escola de Artes Plasticas														
				Obr. de Artes Plasticas: viaxe os mares do Sur														
				Obradoiro de Teatro Infantil														
										Obradoiro de Teatro Xuvenil								
				Obradoiro de Olería Infantil														
										Obradoiro Olería Xuvenil								
				Obr. Creación Contos														
				Artesanía e Natureza														
							Banda Diseñada											
							Precirco											

Todas as actividades, organizámolas
para ti desde o:



■ **Servizo Municipal de Educación**

ensino@oleiros.org
Tel.: 981 636 598

■ **Departamento de Cultura**

cultura@oleiros.org
Tel.: 981 636 598

■ **Servizo Municipal de Deportes**

deportes@oleiros.org
Tel.: 981 636 598

■ **Centro de Información Xuvenil**

c.xuventude@oleiros.org
Tel.: 981 636 598